

Til: Officiel post til APN (apn@nanoq.gl)
Fra: QAPP (qappqaarsut@gmail.com)
Titel: Qapp-miik qilalukkanut tusarniummut akissut
Sendt: 20-05-2024 13:51

20.05.2024

Tusarniummut. Qilalukkat qaortat qernertanullu illersuineq piniarnerlu pillugit nalunaarummut missingiutip tusarniutiningeqarneranut Qapp-miik akissut.

1.

Piniarfik Uummannami (zone 4-mi) Kapitali 3. §3. Imm.2.

Qilalukkat qernertat arnavissat piarallit (uiallit) eqqissisimatitaalernissaat Qapp-miik itingartipparput.

Peqqutingalungu qilaluartassiinissamut tusarniummi uumasorsiuut ilannguttangaanni takuneqarsinnaavoq uummannap eqqaani qilaluaq qernertaq radio-lingaq Canadami qilaluaqarfiit annersaannut ingerlasimasoq, Taamaalilluni Uummannap qilaluai Canadami qilaluaqarfiit annersaanneersuullutik, tassanilu qilaluaqarfiit annersaanni Canadamiittumi qilalukkat ikiliarornerannik oqaaseqartoqarani.

Taamaalilluni ilisimatuussutsikkut tunngavissaqanngilaq piniarfik Uummannami arnavissat piarallit (uiallit) eqqissisimatitaalernissaat (piniaqqusaajunnaarnissaat).

Aammalu piffissap ilaani kaperlannerani Uummannap kangerluani qilalukkat arnavissat uiallit kisinngorullutik pulaqqalartarmata.

2.

Kapitali 2, § 2. 1) Ataatsimoorluni piniarnek piniartunit 2-nit amerlanerusuniilluunniit ingeranneqartoq. Aamma kapitali 7, § 9. Imm.3.Kommunalbestyrelsi inuussutissarsiutingalungu piniartunut aamma sunngiffimmi piniartartunut piniaqatingiinnissamut akuersissummik tunniusseqqusaanngilaq., Aamma §10. Imm. 2.

Ataatsimoorluni piniaqatigiinneq kisimi inuussutussarsiutigalugu piniarnermut allagartalinnit imaluunniit sunngiffimmi piniarnermut allagartalinnit ingerlanneqarsinnaavoq., Aamma Imm.3. Ataatsimoorluni piniartoqassatillugu piniarnermut naalakkatut toqqaneqartumut akuersissuteqartoqassaaq. Ataatsimoorluni piniarnermut naalagaq peqataasullu sinnerisa aqqi inuuiilu akuersissummi allanneqassapput.

Uku pragrafit qulaani taasakka piniarfik Uummannami (zone 4)mi atuutissanngittut piumasaraarput.

Peqqutingalungu ukiakkut Uummannap kangerluani piniarfik qilaluarniarfiusartoq imartaq ataasiinnaavoq, ukiakkullu kaperlanerani qaammarneq ajulernerani ullormut qilaluaqatingiit ataasiinnaat piniarnekarsinnaasarput silap sikut anorillu sakkortuumik killilersuineratingut. Taamatullu piniaqatingiissinaaneq allat mattullungit eqqunneqassappat piniartut akornanni isumaqatingiinninnerit pilersinneqartussaapput piniarfimmi ataatsimi angalaqatingiittarattami tamatta. Uummannallu eqqaani qangaaniilli qilaluarniariaaseq atuuttoq inooriaatsinnut naleqquttoq sakkortuumik innarlerneqassalluni. Aammalu immikkut piniaqatingiissinnaanermut akuersissuteqarnermi allaqqasoqanngilaq immikkut piniaqatingiilluni akuersissuteqarnermi paggatassiilluni qilaluartassiissutinut piniartunut akulerussinnaajunnaarnermik. Taamaalilluni periarfissiineq taanna illuinnaasiortorujussuarmik allanillu perloornertut taaneqarsinnaalluni. Taamaammat qapp-miik taakku peerneqarnissaat sakkortuumik piumasaraarput.

3.

Ilanngussaq 2-mi qilalukkanut qernertanut piniarfiit killeqarfiinut nassuiaammi imm.4. piniarfik Uummannaq zone 4 allaqqasoq " Taassuma killeqarfia avannamut qimusseriarsuup piniarfiata killeqarfia kujalleq, qaqqaq ilorruatsiaq."

Avannamut killinga positioneqanngimmat avannamut illuaallalaarlungu allanngortikkusupparput imaalersillugu .

Taassuma killeqarfia avannamut qimusseriarsuup piniarfia killeqarfia kujalleq, nunap atia sigguk. N70'40 W55'52, piniarfiup kimmuut avannamut killingaa N70'40 W60'56.

Peqqutinga uumasorsiuut qilaluartassanut siunersuisarnerminni qilalukkat ingerlaarfiini ilanngunneqartartumi takuneqarsinnaavoq Uummannap eqqaani qilaluaq qernertaq radiolingaq aqqut taanna atorlungu avalassimasoq Canadamullu ikaarsimalluni imartap taassuma iluatingut.

Qapp-mi (Qaarsuni aalisartut piniartut peqatigiiffianni) siulitaasoq: Severin Nielsen